

續修四庫全書

《續修四庫全書》編纂委員會編

續修四庫全書

上海古籍出版社

一四四四・集部・別集類

紫峴山人全集五十四卷（文集十二卷、詩集二十八卷、外集十二卷、詩餘二卷）

（詩集卷十二至詩餘下）〔清〕張九鉞撰……………一

綠筠書屋詩鈔十八卷〔清〕葉觀國撰……………二九五

傳經堂詩鈔十二卷〔清〕韋謙恒撰……………四一三

明善堂詩集四十二卷 明善堂文集四卷（明善堂詩集卷一至卷十五）〔清〕弘 曉撰……………五三三

紫峴山人詩集卷十二

相潭張九鉞度西著

姪孫 崇斌 重刊

羊城訪古詩

訪古詩四十餘首皆羊城紀遊之作先生立爲一卷收相門先生詩於素舫齋中極其精緻今無存道光蔡卿家藏過羊城湘門甥同年金視山員外爲余言之因爲求原本不可得

禺山

番山在廣州府學前禺山在其西一里今悉爲民居黃帝二子大禹仲陽居此後隱中宿峽

黃帝之庶子曰大禹仲陽又聞其曾孫番禺居南方山以帝子名培塿而穹蒼眾山皆宮之與會成雄疆帝子中宿去二禺峯相望微聞阮俞徑協律吹鳳凰松花落春風流下炎洲香我登九思亭絃歌聲琅琅華啓文明休憶樊桐鄉

紫峴山人詩集卷十二 羊城訪古詩

五羊城

楚威王開楚庭築城有五仙人騎五色羊執穗降因以五羊名城後建五仙觀於坡山上有巨人冊跡及汪廣

洋鑄禁鐘

朝登五羊城暮倚五仙門五仙已辭楚庭去坡山化石羊猶存海濱洞兮山嶽嶽蒲鯨紐鎖靈龜愁白雲不去亦不聞刺桐朱槿交颺颺窺蒼艇兮號鶻鵠昨宵壇中擊大鼓雷霆行天從以雨稻花灑作萬古飛五色炎州盡香土羊兮蹴踏角戢戢翠汗淋漓壁甍濕蛻旌虎旆紛葳蕤若有人兮揮肱立蒲葉浮潮杏花赤仙不見兮見冊跡我有柔桑黍與稷越巫婆娑雜笙笛爾羊來思飽飲食熊商高固渺何時山川恂恂移于斯星精嶽帝降者誰吾欲叱羊一問之

任巖城

城在城東南隅爲舊番禺縣治其墓聞在光孝寺前

十武今爲民居不可考
任尉經營何壯哉禺山會此關蒿萊坐觀豪傑中原變早制蠻
大郡開絕道長開興霸計被書獨召出羣才可憐建德園荒盡
古無人表墓臺

越王臺

自白雲山連岡入城爲粵秀山臺舊在山頂今萬善寺卽其故址

白雲蒼莽乘長風高臺斷青濛濛荒煙下瞰南武宮撞鐘伐鼓
天海空中原一氣無沙蟲木棉排城烽火雄陀王魂魄朝霞中指
揮萬里旌旗紅入關豪傑誰山東拒番君尊陸賈坐叱諸州拜臺

紫峴山人詩集卷十二 羊城訪古詩

下不有三關絕道才升高望遠何爲者

歌舞岡

岡舊在越臺左南漢易名曰呼鸞道

越王城頭烏欲栖越王臺上鷓鴣啼越宮三月如花女隊隊岡前
作歌舞松響猶思玉管飛青山似學蛾眉嫵中原逐鹿苦不早天
命有歸藩服保浮花避暑豈荒淫文錦蒲桃更鮮好婦人醇酒古
英雄一方聲色聊娛老神簫社鼓絲羅衣千秋樂此應來歸呼鸞
道上無人問曼壽瓊仙欲怨誰

玉龍泉

泉在粵秀山下又名越臺井越王所鑿相傳地穴通石門越王浮杯于此在石門潤浮出

玉龍銜海出漢月至今涼十萬羊城宅春煙碧乳香曾聞有地穴

潛湧石門鄉徑欲飛花去浮杯問越王

鮑姑井

井在越臺前葛洪妻鮑姑洗藥處今湮

栽栽越臺傍云是鮑姑井鮑姑洗藥處照見雙鬢影南來勾漏令
海上求丹砂丹砂尚未就得婦顏如花婦翁仙太守來往一飛燕
朝看井欄花暮與羅浮見君騎烏特牛妾荷金鷄鋤君聽搗藥禽
妾汲丹蟾蜍昨宵跨玉鸞來返舊井宅風吹五色裙化作彩蝴蝶
行人不見井猶聞仙艾香遙望遺履軒桃花水徜徉

虞苑

光孝寺吳功曹虞翻居此讀書因名虞苑舊為南越王
建德園

風吹詞子林林裏讀書音虞苑卽今在吳宮何處尋千秋有弔客

光孝寺吳功曹虞翻居此讀書因名虞苑舊為南越王

當世無知心何況荒園跡躊躇蔓草深

達摩井

光孝寺中

震旦爲誰來菩提舊已栽渡江一葦去面壁九年回香海潮通井
荒碑字蝕苔風旛知大意不必問經臺

菩提壇

壇在達摩井傍晉三藏師建壇西僧智藥種菩提樹六
祖慧能祝髮樹下有髮塔又傳唐相房融譯經于此

獨有瑠璃幹蒼茫劫火中曹王千乳潤盧祖一花紅海色團團日
天音細細風好憑紗作紙譯字學房融

六榕寺

卽梁大莊嚴寺有舍利塔中有銅劍寶珠鎮之今名花

塔蘇長公題額曰六榕額尙懸寺門

花塔蕭梁舊離宮劉漢餘天青盤鶴上海白破鐘初聞乞閣黎飯
來看坡老書都將珠劍色一掃付空虛

南漢金塗鐵塔

塔在光孝寺中南漢主劉鋹所鑄有塔銘今以殿覆之
風燒二十七州鐵鑄出模糊萬民血眼中突兀大莊嚴劍樹刀山
慘未歇黃金佞佛佛不喜柱國教師俄化鬼天龍吸起達摩泉一
洗蓮花散秋水崩寶羅草首法性震旦傳依祖庭盛雲空詞子不
飛來荒淫汚此菩提境老僧坐愛黃昏匝邀客但觀南漢塔白頭
掃石再題詩榕雨無聲山颯颯金塗塔長歌

拱北樓

藩司署前唐建名清海樓宋改此相傳藩署爲南越舊

紫峴山人詩集卷三羊城訪古詩

宮樓址其闕門故俗名雙門底

高樓嶠帆拱神京雲彩參差散兩城海擁星辰規外見天浮日月
地中行雙門誰記陀王制八柱猶題朱代名一自承平蓮漏永潮
雞不用聽三更

懷聖寺光塔

塔在城中唐時番人建寺與塔禮拜夜半登以候風信
頂有金雞爲颶風掣去

雷公手削旛竿直青玉沈沈二百尺金雞掣去愁歸來萬劫飄輪
轉不得當時海獠十七家綠睛髮聲咿啞升高膜拜叫夜半絕
島已擲丹蝦蟆太平市舶番長領教主何勞禮絕頂惟有潮音送
月來空庭老樹蒲盧影

藥洲

舊云城內有西湖芝蘭湖洲在湖中劉漢葦江南奇石起別殿名曰瓊島以居方士中有九曜石最奇峭湖今涸爲市屋石存學使署中

蓮湖西湧蘭湖中有藥洲長十里劉王於此望神仙樓臺直與蓬瀛連星冠羽帔下瓊島手提不死之芳草劉王含笑催進丹選

石更肖青瑤瑤奇峯峭刻不知處似通二華三茅路美人謂從丹霄來爭擎獻壽珠一杯一刀圭藥千夫命猶恨江南石未罄劉王北去湖亦涸石散民間作刃鋸嗚呼艮嶽花石綱此洲亦與關興亡一拳煙雨散不得夕陽付與題詩客君不見九曜石

鎮海樓

卽五層樓明征南侯朱亮祖建

鑿不斷馬鞍岡鎗不盡靈龜石壯哉騰空翹翼之危樓直壓坤維

紫峴山人詩集卷三 羊城訪古詩 五

踞山脊黃氛紫氣掃不起白雲插海蛟鯨死風雨磨五百年雷霆鞭撻九萬里方今樓前皆列營大旗肅肅角無聲奚官白髮看調馬仕女紅粧來踏靑朝望五層樓暮望五層樓方壺蓬島作快遊令人不憶征南侯

雁翅城

卽廣州城外邾宋陳峴因漢唐之舊更拓之名曰雁翅城

海上嚴城舊越都更增雁翅展重郭誰其築者陳經略我所思兮陸大夫香島珠濠通舶市澹雲微日畫番馬炮臺一望旌旗繞控制炎荒此壯圖

越華樓

樓在珠江岸今五仙門一帶故址不可考南越建此以

居陸賈又名越華館志云在戢船澳非

大夫來越人驚龍章虎節銜書生蠻王跪拜雙蜺旌大夫歸越人喜鮫魚貢報漢天子南中自茲有山水大夫重來越築樓黃金堆滿珊瑚洲包山錦繡連羅浮樓臺幾今越有華朝蒸固岡雲暮散珠江花可憐長纓繫不得封節終童血流碧

大忠祠

清水濠上

炎風嘯海精衛哭一代君臣葬魚腹黃冠柴市血南飛同作丹虹珠海曲牡蠣緣潮蚌走苔榕枝交鬱祠崔嵬大書丞相與樞密至今過者猶徘徊南溟不種冬青樹杜宇啼來復啼去茫茫十四萬男兒欲奠椒漿竟何處盡沙猿鶴那足悲乾坤正氣甯綱維豎蘿蕭蕭尙滿地高歌如意碎者誰君不見慈元殿前白虎墳海濱又

紫峴山人詩集卷三 羊城訪古詩 六

鑄金夫人

南園詩社

在大忠祠內明初孫典籍黃黃別駕哲王給事佐李教諭德趙贈君介結詩社處

碧草南園路青山滿海城我來明月夜獨聽落潮聲五子初唐格流風萬古情羅浮赤鳳羽翹首下蓬瀛

朝天臺

水經注朝天臺在廣州城北三十里卽今席帽山北高岫舊以越王臺當之固非志云在城西尤非

蠻夷大長老臣佗手築朝臺翠鬱我藩服冠裳天日月英雄魂魄漠山河子孫富貴誰時保霸業銷殘自古多獨有五雲飛不散南荒猶與照巖阿

安期祠

白雲山頂上

安期千歲翁久與鴻濛伍胡爲見祖龍又復干項楚一揮赤烏書
飄然可遐舉迺令蓬海覓風幻三山阻從此驅鯨鯢五百童男女
徐市固荒唐此翁亦戲語九龍銜紅泉白日闕洞府松子自落風
棗花尙垂雨跨蛇朝玉京果否少君侶已無鶴舒臺何況阜鄉宇
白雲無心物起滅太虛所遐哉魯仲連一去竟萬古

菖蒲澗

澗在白雲山下安期生餌菖蒲冲舉於此今爲蒲澗寺
爲問玉京子何峯可作家依然流菊圃會否發蒲花白石九龍乳
神樓一七砂獨依貝多樹無語對楞伽

濂泉寺

紫峴山人詩集卷三 羊城訪古詩 七

寺在蒲澗上濂泉下

東風先春來吹下紅梅驛驛吏不知春騎羊問消息卻尋濂泉寺
出郭飽山色攀緣鋒鋒水想像種蒲宅暖雪不散鐘新霞盡橫石
泉香與花意搖曳海天碧桃花凍已收鶯聲漸可識今日不成醉
明日花足惜甘泉宮荒蕪紅雲宴蕭瑟徒見麟辟邪包山作窰窰
欲彈雍門琴愧彼驂鸞客如何張喬墳笙歌日堆積

吳隱士墓

墓在白雲山下漢隱士吳正葬此

種松以直伐種蘭以香鋤不如榕拳腫長蔭十畝餘漢衰自熹平
母后挾幼儲外戚與中璫疊起相翦屠禍基大長秋炎社成邱墟
卓哉吳伯和親象先憂虞一辭公府辟長耕海上廬禮讓化露凌
經訓爲菑畬生死南陽友愧彼翻覆徒自古海水南有此明月珠

鴻冥恥羽儀龍德潛用初清風激末代乃生郭與徐遺墓白雲隈
其上多樵蘇世無袁彥伯誰知表其間

浮邱

浮邱在城西太平門外山今爲平陸向有紫煙樓挹袖
軒皆無存聞天游精舍是其故地傳有地道與羅浮朱
明洞通故有羅浮肘腋之稱

吾欲登黃山彩虹迢迢不可攀吾欲謁嵩室金鸞藥歇三花寂昨
夢浮邱公迺在羅浮之西珠海東白雲卷海洗風青天片石浮
鴻濛巢開翠玉三壺中有一翁顏色頽綠瞳錦舌眉紫清疑引
王子晉夜半吹瑤笙又疑呼安期秉笏朝玉京紅泉灑地穿仙穴
忽如肘腋騰丹闕桃花一萬八千文明霞亂簪玉女髮青童招手
靈雀來便可直踏鐵橋鐵挹袖軒紫煙樓何人作舍名天遊丹砂

紫峴山人詩集卷三 羊城訪古詩 八

老去不可求也須晞髮淩滄洲安能縫腰束臂事公侯坐拋歲月
如蜉蝣長松白石蒼苔津鶴去緱山隔幾春花農花發不歸去參
差笑殺黃野人

石門

城西北二十里南越呂嘉阻險以拒漢師楊僕破石門
卽此舊爲南越王避暑處

樓船將軍夜擊鼓地下陀王淚如雨石門古洞雙峯巽不見杯前
落花舞斜日神鷺收白潭西風飢鳴啄黃土陶人遺甌燒爲灰野
老荒臺坐避暑天生豔煽招鳩媒桂林象郡飛陰霾六師力斬鯨
波摧區區阻險眞可哀萬人之城安在哉

靈洲

羊城西三十里鬱水中上有寶陀寺又名小金山東坡

先生過此題曰妙高臺

天迴石無依樓臺拍水飛九州靈不盡三島路應稀星燦漁燈亂
山遙獵火微懸知妙高月猶照老仙歸

貪泉

泉在石門澗晉刺史吳隱之題詩處

刺史交州按部年貪泉首酌興蕭然可憐蘆荻漫天後不復題詩
過此泉

半塘

自太平門以西至海口皆半塘地南漢苑囿宮殿皆在其上為粵中最繁華地汴京人號曰煙月作坊

廣州城西古半塘前臨珠海後臺岡芳華別苑南薰堂遠迤嶺寮
不見陽燧霞燭日不可望紫雲閣插月峽蒼巨象戰艦水嬉張龍

紫峴山人詩集卷五羊城訪古詩九

舟彩女繡旆颺綠絲緯綵象牙檣妖僧瑠璃殿房浮圖裏蹠瑟
瑟裝尙書侍中盧黃梁西飛迷雀東雌凰組織煙月為作坊長濠
夾穀紅樓偶門前駿馬繫佛桑安豐頂帽繡襦褶犀簾銀鴨甲剪
芳火齊垂釵耳秦瑞冰蠶襦暖鮫綃涼搖情煽蠶簫與黃粉巾裏
汗雞舌香燈船燒海波膩光燭龍衙衙成行鬪擲十萬纏頭箱
明河愁曙樂未央城南有女織流黃織為三十六鴛鴦感君欲以
寄遠方小牕燈影啼寒蟬含情不語空斷腸未暗用南漢時事

大通寺

寺在大通沿達岸禪師道場南漢時名寶光寺宋政和中賜今名傳寺為南漢瑤捨宅拓地建

花地無聊送客頻一天煙雨又殘春且尋南漢通潮寺休問東隣
捨宅人境過劫灰惟佛大吏當閒日與山親白鷺潭上松千樹有

興還來共問津

荔枝灣

今花城大通沿一帶劉漢建昌華苑於上長五十里

斜陽欲沒荔枝樹千門萬戶隨潮去珠江瀾瀾珠浦深不記昌華
苑中路紅棉墜地鴉掠飛草間蝴蝶銜花稀春風吹透銀塘影照
見盧黃女侍衣木魚歌起聲斷續搖入龍津橋下宿水田繞盡安
瀾門猶唱紅雲宴時曲

海珠石

石在珠江中上有寺名慈度後易以海珠珠江中多石
潮落乃見舊稱靈鼇石

靈鼇入海走不得誰擲一珠壓其脊木棉萬燭燒波開恍如赤龍
銜彩瀛洲來江風濛濛打雨急又疑鮫人捧綃泣龍舟孔雀金碧

紫峴山人詩集卷五羊城訪古詩十

翎樓船插鼓花船筆又如丹邱絳樹懸晶熒使人恂悅殊精靈我
聞三五中秋夕此珠吐怪爭月色洗出牟尼一寸光放開四大虛
無宅有樓且踏中流登有酒且仰青天吸寄語浮邱老丈人為余
掃淨蒼苔石

楊議郎宅

宅在河南洲漢楊孚故宅孚自河南移松柏於此雪積
其上許渾詩河畔雪飛楊子宅

萬里河南雪風吹自漢朝晚來楊子宅松柏正蕭蕭我立玉山望
斯人不可招好學許渾句更踏蜺江潮

花田

田在河南洲南漢劉銀美人名素馨者居此歿因葬焉
素馨較他處更盛彌望十餘里因名花田

芳華塢昔日紅樓翠作土內人斜舊時粉骨蒸爲花美人家在花
間住香字韶顏爲花誤蝴蝶偏尋漢殿飛鴛鴦不伴劉郎去江潮
淒迷山杏冥四時風雨酣不醒莫令螢老花田田曲唱與南朝腸斷
聽廣州女兒豔如月愛花盤作銀絲結誰知萬古塚中魂飛作三
更頭上雪

海幢寺

寺在珠江南岸昔爲郭氏園有鷹爪蘭一樹

劉王花塢跡全非郭氏園林事已微隔岸山蟠珠殿下滿江鐘走
白雲飛何人仗佛塗金塢幾處還家著錦衣鷹爪蘭開殘劫後只
應無語對斜暉

沈香浦二首

浦在珠江岸西晉吳隱之沈香處今爲鳳凰臺地

吳峴口八詩集卷三 羊城訪古詩 十一

浥陽拜香尉駕得學士臣心自有香畱以還山水
昨日香門開今日采香去不見沈香人猶過沈香處

僞南漢劉襲塚

在番禺縣北二十里北亭鄉明崇正年間土人聞雞聲
掘之得金人十二寶鏡金蠶珠貝朽骨尙存數片隧道
有盧鷹撰碑文始知爲南漢劉襲僞陵

十二金人夜出陵劫風吹滅閨宮燈誰教屋穴藏孫子莫聽雞聲
感廢興秘墓可能師趙尉荒碑終見闕盧鷹珠襦甲帳皆塵土欲
鉤南山恐不勝

西樵山

山在城西六十里唐木鄧子得道之所上有寶泉丹井
明湛甘泉讀書處

西樵七十二英蓉倒影羊城翠萬重安得同攜木鄧子直凌絕頂
大科峯雲歸洞口聞柯斧帆過胥江落寺鐘便乞甘泉讀書處仙
橋寶鴨也相從

婆羅廟

廟在扶胥口卽南海神廟唐蕃使達奚司空手種婆羅
樹於廟番舶已去遂立化廟門像今存所種樹久萎矣

婆羅廟裏婆羅樹不見婆羅舊種花惟有婆羅江上水至今猶繞
廟門斜海開炎帝龍銜日天捧珠函鳳吐霞賜與階前盈尺地使
臣何必望歸槎

韓昌黎南海廟碑

祝融帝子捲旗翻駱越將軍罷鼓捫天下水惟南海大唐家碑剩
此方尊驅除蛟鯢扶炎極坐看星辰列島門綠字亦文猶彷彿象

吳峴口八詩集卷三 羊城訪古詩 十二

輓王簡莫須論

浴日亭

南海廟左小阜上

澎湃一亭中神雞叫曉風雲霞扶動盪天地轉鴻濛陽谷初燒紫
瀛洲漸破紅羣山齊踴躍先照祝融宮

駱越銅鼓

鼓在南海廟中漢伏波將軍鑄以鎮蠻者號駱越鼓有
二皆唐節度使鄭細得之蠻中以獻神其雌者飛入海
中今一鼓稍殺十之四迺潯州太守從潮中獲之以獻
者

一鼓蠢爾蒼龍皮天精鬱怒蟾蜍騎波紋交織雲離離一鼓八卦
隱嶠起土花龍蝕翠不死摩挲欲滴化香水吾聞伏波將軍製此

駱越鼓星辰焱焱光怪吐千牛八百都老皆氣沮夜深往往致雷
雨儂智高不得藏會一本不敢援高山嵯峨海磅礴長虹纏乳體
齧索誰移踞此殿之脚海王手打二千年雌者飛去雄鏗然天吳
淵客走不眠徑捫潯州赤鑽出置之殿右交新鮮施以枉鎖絡連
錢上有珠函寶冊之燦爛下有坤維地軸之鉤聯海王開宴銜火
鴉寶燈搖搖荔子花長風一掃萬壑白滿堂肅聽金釵過鼓初鳴
兮扶胥口大虎騰驤小虎走鼓再震兮獅子洋馬人番長什且偃
日南拂蘇省宮商文鯨應潮海水翔海翔水翔鼓未息請神將此鼓
爲我
天子懸西域不用椎牛釁血快一擊盡掃金川雪嶺歸邊冊鼓兮
遠揚
皇威億載無終極

紫峴口人詩集卷三 羊城訪古詩 三

題詞 附錄

金陵 蔡元春 北衫

稱說聞良友 廿載前聞施如祠部盛殷勤出綺篇才名振京
國情性寄山川隱豈南昌尉 推先生且出尊篇共讀丹分勾漏仙 海陽示余
詩一卷高韻邁唐賢
幾夕微予夢飛飛鳳子來果驚五色筆繪出越王臺手采西湖
藥香傳大庾梅最憐知己感虞苑弔奇才 虞苑即虞
城上木棉發朝霞影不分 將軍福松岩師昔曾鎮粵德葵醉心
思舊語 尊東中有木棉回首憶將軍玉女窗中月丈人峯上雲
奇光紛照眼茲夕誦高文
斑竹蒼梧淚紅蘭碧杜吟靈均不可見湘水至今深一入朱明
洞孤橫白玉琴騷人千載後夫子嗣元音 先生籍隸湘潭
我欲挹浮邱仙蹤隔十洲 詩集中有詠浮邱騷人代興地也得同碧香酒如上紫

煙樓黃鶴忽飛去白雲安可畱預愁他日別離合似羅浮間
早難爲懷

紫峴口人詩集卷三 羊城訪古詩 十四

姪男 如泰 天
聲有普孫啓 豐
裕幹 光
校字

紫峴山人詩集卷十三

湘潭張九鉞度西著

姪孫家枕重刊

如粵集

乾歷辛卯王辰

先生三至都門寓虎坊橋西昔時同伯死後盡為之憫然曉到後仍以其縣發廣東河西公需次昭七月梁安人幸既返里經紀其喪王辰春抵羊城歌兩門馮箕村仲掌文羅嶺笑皆至應官之暇與諸子互酬唱著如粵集

大漲渡洞庭作

故園小住不可得南風吹我征颿疾洞庭六月天倒流入峩眉九峯雪黃陵廟前釀酒香鼓聲未絕過岳陽鵠斑竹啼落日七十二峯蒼復蒼湖魚尺半雪貫柳買魚且到洞庭口長空森森鐵笛來遙勒雲中一杯酒流行坎止理自然胡為冒險隨長年湖光向夕平如練醉看紅霞待月眠

襄陽樂為江生作

紫峴山人詩集卷三 如粵集

嫁得大隄郎長帆鐵鹿櫓小兒歌白紵少婦織流黃海日明開鏡吳花豔綴璫橫江風浪惡何不住襄陽

小河司感舊

明季覆金鏡海宇煙塵昏赤眉與銅馬熾焰空襄樊吾祖起偏裨從戎小河濱連營方尊食賊附若蟻屯怒揮長刀躍起賊斫之奔腰環十數顯洗刀挂轅門去時酒尚熱大叫吸一樽秋風吹白波碧草搖朝暎事已付劫灰名猶耳目新敢云述祖德作詩貽子孫

望大洪山遙拜楊忠烈公墓

嵐飛瀟水淨遙見大洪山日月兩宮上風雷一疏間麒麟能食鐵虎豹敢當關今代馨香在應回地下顏

馬斃瘞之口占

炎風山石碎一蹶豈周防已分從人後甯甘棄道旁散帷聊汝覆

春草為誰長誰與千金骨燕亭價正良

廣水晚望古三關

天下有九塞其一曰真隄迤分雍梁絡直貫淮潁脊連峯排青霄鬱律駭精魄卉木錯置昏怪雲滃紫黑散為羣川流吐吸荆豫白昔楚設地險北門壯申息急則憑要害大遂直轅塞梁魏爭三關韋虎長壑扼荏苒荷今不驚列戍繞咽隘斜嚙一遙望莽嶂入胸臆除惡防萌芽颺脫豈離邊誰司保障者厝火戒無斃

武勝關曉行 陽關 武勝關

雞鳴月蒼蒼羣峯出霧深殘星搖天垂關門插層陰一線開絕坂四壁排玉簪角聲吹無底中原煙沈沈長棧轉逶迤竹密木亦森溪流下鏗鏘交喧鈴鐸音秋氣浩將入蕭然發豪吟宿露送幽蘭迢迢不可尋

紫峴山人詩集卷三 如粵集

信陽州望大復山遙拜何仲默先生

重塞收煙嵐中原富雲木申國舊提封高臺入遙矚城郭秀日初人家散川曲馬嘶石痕淺鳥下黍田啄嵯峨大復山蒼莽接天目何子此挺生鍾靈自維嶽抗懷追風騷光芒謝圭角竝起得空同驂騑競騰逐羣兒變是非斥鷃笑鴻鵠萬古江河流日夜無斷續平生托嚮往瓣香近芳躅墜緒又茫茫誰人繼私淑

曉渡淮水

蒼莽不知極雞聲楚北門長淮下曉月秋氣生中原生事艱難老憂端歲序繁凡材祇如此驅馬復何言

臨潁

潁水清如玉來從少室陽城門開碧柳浣女出紅粧雪壓山蠶白風蒸餅餌香臨流不欲飲策馬過前莊

爲耿湘門致書鄭州幕中凌文學清

駐馬鄭州郭爲郵且置書出門望野色河氣亘長虛山削成臬坂
天荒蕩蕩渠不知梁苑客作賦定何如

欲往原武訪婁勁節太守不果

不識鴻溝去茫茫積水環愁中信陵客馬上太行山河堰餘田種
花村奉母還知公若鸞鶴那復到人間太守時在原武

榮澤渡河

一葉下風雨秋隨人渡河羣山流鮪穴萬水立榮波淇竹連菱下
宣房伐鼓多中原爭一綫使者正經過

廣武山下弔古戰場

英雄爲黃雲鬱鬱起林莽大河驅秋來洗此楚漢雨白日下戰場
陰火聞鬼語戍旗微茫翻商飆滿禾黍龍血久銷磨誰復分虎鼠

紫峴山人詩集卷三

三

終須笑叱咤何能計椎魯渺渺一鴻溝早哉分險阻仁暴有殊功
豎子竟萬古徒令阮嗣宗咄咄悲廣武

訪四溟山人墓不得

康熙年間吳江計甫草先生於彰德城外訪得山人遺
墓立碣表之余以事匆匆不能細訪聊志之

男兒世代中不合生奇才天報以冰霜使之走塵埃四溟一布衣
李白可追陪匹馬晉陽祠短衣梁孝臺所幸百代骨嶙峋無摧頽
雖辭清廟音官作彈鋏哀一遇趙康王聲價重瓊玖我登韓陵山
朔風吹蒿萊詞賦誰英雄滾滾漳河來兒戲嘉隆人墮玷爲梯媒
救獄何光明割席毋乃猜文章有正宗顯晦那足該憐才琵琶姬
竹枝歌徘徊安得呼君出一絃傾一杯

渡河晴望

一曲流千里河流接杳冥天浮關樹下秋入海門青底柱思神禹
仙槎問客星陸渾花正好吾欲叩巖扃

望蘇門山

欲見蘇門山風雨適朝霽新曦况林木羣峯馬上至百泉九十曲
一流蒼翠豈謂嘯臺人天高得秋意贈我古時雲袖之不盈袂
徵君講學處氣節益天地我欲往從之舟楫乏松檜行行重行行
遠近與我會今日送涉淇明日送過衛後日作故人懷之入寤寐

望蘇門山二絕

一夜風雨聲不知百泉響但見蘇門山清晨來馬上
道逢一樵叟見客不得揖恐是嘯臺人白雲去無跡

湯陰謁岳鄂王祠

蕩水蕭蕭檜萬枝鄂王殿宇捲靈旗遺弓猶拜周同墓碧血長鄰

紫峴山人詩集卷三

四

嵇紹祠異代至今繁子姓六陵無地奠金卮渡河莫歎宗畱守故
國英雄亦淚垂

寄金四碧峯雒陽兼柬東王扶蒼明府

欲將殘酒弔英雄一夕驅車闕塞東莫學陸機長滯洛且尋李白
更游嵩文章虎鼠蹤何定意氣雲龍感未窮自有主人能唱答不
妨高臥學盧仝

韓陵山

一片韓陵石吾思賀六渾長河猶雪怒猛士昔雲屯乘勢能圖霸
誅心豈負恩春秋無義戰末季那須論

渡漳河望鄴宮故址

岸斷漳河出秋銜銅雀來故宮惟見樹落日罷登臺詞賦黃初手
君臣曠代才風騷等墜緒驅馬重徘徊

回車巷

叱座摧秦帝回車避上卿豈徒兼智勇直欲讓功名秋草邯鄲路
英風落日生休誇完壁事國不重連城

廉頗墓

異代思良將千秋有舊岑山圍洛水曲雲接壽春陰勇氣諸侯望
餘年故國心興亡關趙祀莫怨郭開金

邯鄲題壁

叢臺歌舞草芊芊第宅平原亦黯然六國安危憑客力一生肝膽
得誰憐何當絲繡成公子只欲黃金鑄魯連歎息信陵門下士幾
曾珠履關三千作原本

曉行順德城外

嚴城未啓門殘月在高樹垂楊涼欲風禾黍宿多露火生孤店起

紫峴山人詩集卷三 如粵集 五

天帶一星曙正憶山中眠白雲不知處

題真定城外店壁

馬上南風吹薄沙蕭蕭楊柳未藏鴉太行到海青千里秋水穿城
白萬家豈有隄渠思鄭國更誰蹤跡問侯芭謂同年好沽邨店中
山酒醉臥簷陰看日斜

涿州感舊

督亢陂北接渾河倚酒曾聽挾瑟歌白髮相逢燕市盡青山依舊
國門多長橋亂水浮鳬雁沙路秋風散駱駝袴綳黃皮腰帶劒五
陵年少欲如何

渡滹沱宿真定

落日走滹沱黃雲大鹵波天風吹雁急秋色老關多玉枕中山酒
琵琶鉅鹿歌幽州舊為客兩鬢有霜何

余游京師前後十載蹤跡多在西城今秋赴銓重尋舊侶

死徙殆盡立馬愴然不待聞山陽笛聲也賦此

猶是銅街路西風聞暮鴉認門知舊樹下馬問誰家白髮驚心短

青帟怪客賒惟餘御溝水流瀉瀉槐花

家君需次都門余奉檄之粵東

不敢言離別

君恩各報難語牽朋輩亂淚掩老親看湘雁啼春遠官鴉送客寒
人生幾骨肉無計話團圓

赴嶺南早發彰義門外

城上烏啼鼓未停月明殘雪滿郊垌直從北極看南極休問長亭
更短亭萬里江湖催夢白一春煙草近家青蕭條莫訝盧溝柳三
十年來幾度經

紫峴山人詩集卷三 如粵集 六

琉璃河題壁

斜陽聖水半流漸橋路清冷不作泥青笠紅氍一行客詩囊藥裹
又提攜寒沙入柳聞鴉語殘雪看山信馬蹄回首觚稜休易別數
峯猶在國門西

巨馬感舊

昔日追隨游俠郎短衣射獵西山岡寒風枯艸餓鴉叫落日長河
鮮鯉香醉倚胡姬拉雜詩題野店天青蒼而今不見高陽侶獨
凭闌干看雁行

訪李望都敏夫不值

別子青山短簿祠十年放浪欲何之未成夢澤撈蝦侶且逐并州
食雁兒枯澗薄冰行客路空林黃葉曉愁時如今各逐風塵去不
必相逢話夙期

家祇注敏夫雲夢人與先
生交最篤時官望都令

宿涑水

暮至方大仰齋宅夜飲達旦

數里入山色隔河聞讀書為家在雲水奉母有樵漁勿墮五陵習
休言三聘廬在處士三聘廬功名下名年少事作賦待吹噓

宿良鄉感舊令李殷相同年

聞君客死在燕垆旅骨何由返洞庭會急友朋情慷慨誰知妻子
計飄零重過野店憐殘笛愁視渾河散曉星舊邑魂遊今在否西
州有詠不堪聽

良鄉城樓識集分韻得三肴草長歌呈李麓堂明府並梁

東邨潘經峯蔣鹿山

赤日倒射山房切歸雲銜錦爭羅包化為晚煙紫漠漠千崖萬壑

貴峴山人詩集卷三如粵集

七

森扶交桑乾聖水浩呼洵神京一氣回星落隴西茂宰今健者清
詩廉政塵無清堤成命吏掃雉堞平城如几羅行庖良鄉新篋黃
鞋鞢頻婆紅韋堆香苞鄉心稍動赤鯉膾官廚頗豔黃雞炮歸鴉
低掠瑤璃滑平田新黍鳴籍籍大戕山中伏虎客吟肩獨聳歌雄
婉婉蕘湖潘郎鬢毛瘦菱衣蘭佩盈香膠經峯裴祠居士騎白鹿放
吟不使聲咽咽鹿山十年我作萬里客東騎鯨背西象羗匣中長劍
洗江海宵次鬱怒蟠蛟蛟紅塵竭來踏京洛緇衣放浪聊吟嘲同
人于郊易所訓况復合調諧笙匏酒酣蒼茫喝月出羣蝶湧起妝
娥媼榆關居庸接指臂蒼龍突兀來盤拊今年
天子大合符遵時講武燕朔郊此山直北作陸橫虹旂芬麗排雲
旂大荒如水麒麟出青蓬颯沓風颭騰驤七萃撼地動旂裘跪
舞綠眼顙安得韓刀縛袴褶身從壯士提弓弣馬追飛鷹擊急電

紫雁斜落推鳴鶩帳前磨盾作大賦淋漓氣欲迫歌鏡明公材推
赤縣長行圍儲備供芻菱珊瑚詩鈎好收拾盛時禮樂非嚼咬丈
夫當為黃鶴翼芥舟下視同浮泡安能學佛如買簪蹶蹶躡工
推敲又安能學赤松術石室高臥猿猱巢枝羞糜糗供養在此生
不待靈氛茅諸公應笑狂故態吐論直等奇牙聲歌終露墮山黛
合月鉤斜挂垂楊梢

酬文二光朝

同學皆臺省君猶守選人千塲能縱博四座更留賓塞雪交情澹
春風道力醇移家應有具早晚下天津

保陽弔同年李太守荔裳

荔裳前令東鹿牧趙州擢保陽太守調永平

共憶生平李北海官高材大復能詩貂裘寶劍邯鄲道春酒名花

貴峴山人詩集卷三如粵集

八

漢帝祠海內弟兄憐我在秋前書信到君遲督亢陂水東流去暮
雪騎驢欲問誰

國士祠

已快仇衣擊誰云報未成從來稱國士不肯殉虛名急雪衝橋影
寒河躍劍聲海中人五百枉自從田橫

李左車墓

無雙國士拜俘囚奇策山東指顧收漢業自然成一戰天心原不
佑諸侯草荒古道狐狸窺秋老平原黍稷稠豈有忠誠能感格黃
河繞墓避奔流河改數次到墓即改流

題巷卑寺壁粵游舊作因棟

一道拂桑花長堤接海涯人諳江石語貨聚日南槎暗水橋千派
腥風市萬家由來甌脫地控制重分牙

定州曉行

初日澹不出霜濃驢背寒冰交恒水壁雪壓太行乾奔走空皮骨存亡損肺肝潘絲凋更盡那忍鏡中看時余有病省之悼

晚投晴風驛

身欲投何處濃雲壓市低寒鴉爭樹亂疲馬趁槽嘶燈影孤魂外爭聲別院西邨醪不成醉坐待五更雞

太行積雪歌遙寄施鐵如祠部

杳冥冥一望天西決滌而崔嵬不知何年積此太古雪團空凍合元冥胎朔風一萬仞吹裂寒門開八陁九塞不可以極惟有滄沱衰衰中穿來倒翻海水湧碣石蟠作太白金銀臺大荒浩浩飛鳥絕始見攫空鵬鶚一掣龍砂迴井陘直上參昴何崢嶸背負大幽吐噏蓬瀛義和鞭馭滕六爭揚光慘澹懸營并玉龍戰退三百萬

紫峴山人詩集卷三 如粵集

九

旬然變怪連蜷生突如錢唐白馬潮奔騰幻如洞庭秋月連甌城密如崑崙懸圃瓊樹相枝撐濶如璇宮璧府百疊張瑤屏太華白帝十二旒一夜秉笏朝神京前驅素蚪後蜺旌焦泉丹水沍作燭龍挂銜珠燒破冰天晴恍乎皎兮難殫形使人對此喪魄精抗懷長嘯蒼莽間夸娥一去不復還凌兢突起天下脊表裏洞融出肘腋跨躡誰山東經營誰河北誰甞長平道誰阻飛狐阨誰爭射犬青犢破誰梗武牢上黨塞懸車東馬幾侯王重壁積路孰踰跼雨雪先成集霰幾堅冰終消見覓力空聞羊腸詰屈車輪摧元猿猛虎嘯且哀昔之魏武帝苦寒行賦艱巍巍嚙乎咤哉太行之雪胡為若茲雄毋乃造化翕闢之奇功惟

皇在德掃陰翳使汝輩外藩翼京室昂為天險無終窮我欲挾鴻濛游太清吸沆瀣餐元英徘徊歧路將安之酒酣寫作積雪詩不

逢真州施夫子無人愛我豪狂辭長安西向千萬山中有白玉仙郎顏別君何時歲將還梁園詞賦空闌珊明晨更踏河冰去回首燕雲何處攀

邯鄲曲四首

咸陽西入見雄心胡服中山百戰深一自大陵城築後君王只愛女姚琴
叢臺百尺玉闌干美女西風寶瑟彈萬古漳河流不盡只今明月照邯鄲
官衣脫卻下珠樓寶鏡塵埋照自羞莫怨才人容易嫁邯鄲斷養已封侯
廉君去國蘭君死漳水東流無盡期平原珠履三千客欲報君恩知是誰

紫峴山人詩集卷三 如粵集

十

重渡漳河橋

平生齒莽著游衣捧檄重行願轉非兒女從今判軒聚散家園縱返少因依澤空大浸蛟龍蟄天近殘年鳥雀稀一任轉車聲鹿鹿危橋無語碾冰飛

延津渡河有感

危厓下俯大河通積雪黃雲四望空馬踏層冰愁落日天低古渡走西風狂夫恨事瑩篠外春草家鄉涕淚中咫尺夷門山色在休將殘酒弔英雄

大梁懷古四首

魏國山河在金堤一望昏黃雲搜戰壘寒日澹中原車過屠兒市祠荒隱士門未為大梁客亦感信陵恩
破產何年少英風博浪真師臣非為漢豪傑首誅秦壯士還滄海

黃公在泗濱此心如白日終始報韓身

我欲拾瑤草因之梁宋期徘徊三尺雪不見清冷池地氣繁賓客

君王愛賦辭窮愁著書者老死復何悲

慷慨封邱尉論交一酒鑪風雲芒碭下天地吹臺孤古木無鴉噪

平沙只雁呼由來天下士離合在須臾

過汴宮舊址二首

黃濤澎湃挂城邊城咽寒冰接暮天宋代君王沙漠盡焚樓燈火

夜深懸殘碑虎蝕金明宇廢井蛙拋元祐年久向上河圖裏弔不

應來問孟家蟬

山河四塞說東京劫火誰教草又生萬馬旌旗寒不散六陵松柏

夜無聲江南花石空成劫汴野宮人更有行并人王紫綬有終古

夢華多感慨驅車還過舊青城

紫峴山人詩集卷三 如馬蝶

大梁寄金四碧峯嵩陽書院

君在嵩陽峯莫折三花樹若問相思人西風渡河去

襄城烈士行

明崇禎十五年流冠破襄城諸生耿光等隨汪中丞喬

年殉節者二百餘人過此作詩弔之

書生報國好男子二百餘人巷戰死氣作中原虹蜺長波翻襄水

蛟龍紫當年敵憂賊縱橫中丞擐甲親移營大帥棄師竟南走陰

雲慘澹盤孤城宮牆白日灑紅雪烈士奮呼天宇裂山川精魄鐵

肝腸不化烏鳶口中血軍門贊畫登陣守妻兒磚石負奔走巨壘

回燒礮火聲長矛懸出黃巾首中丞力竭城遂破七尺堂堂誰怯

懦罵賊甘隨殺鬼雄擇福能同正人禍手足可剗名免辱誤國傷

心罪難贖英颯怒捲襄水波恨不生噬叛侯肉往事沈吟付劫灰

費門日月猶崔嵬行人下馬一憑弔姓名斷碣隨荒苔天心降此

陽九厄事去英雄在黃馘君不見先生已懷剪賊詩弟子又殉文

山集家試注先時襄城訓導張信胸懷翹翹詩斷舌死諸生李光

襄城人言之甚詳

嶺上逢歸雁口占時家大人在京

汝向燕臺去平安寄兩行暮春三十日逢我過衡陽

大漲下六龍二首

風急怒龍聲韓祠鼓亂鳴微茫鷹隼掣尺寸虎犀爭猛勢紛殊狀

盤渦駭異名冷看看未得已下尉陀城

萬木倒晴暉啼猿在翠微礪雷爭地奮白雪破山飛對壁樵呼過

驚湍鳥掠歸重來竟何事巖雨濕人衣

曉至羊城過耿湘門宅馮箕邨仲掌文至二首

紫峴山人詩集卷三 如馬蝶

紅棉一帆雨客下嶺雲西春水扶胥口城門鶯乳啼勞蹤天合并

隔歲夢端倪呼酒頻相慰投交盡呂嵒

莫訝珠江柳新條復舊條北風萬里雪一夜故人潮譚藝驚心短

移燈看鬢凋明晨趨大府手板任無聊

仙湖里寓舍

九曜石不見還居九曜坊人言仙湖水猶有蓮花香海氣黃龍郭

苔痕綠上床廿年飄泊夢流轉落蠻鄉

羅嶺磯文學投詩賦答

避跡羅昭諫談經井大春衰年常病肺多難尙留身樓有攜書及

庭無漉酒巾騎驢休早出世少愛詩人

耿馮諸子過飲

誰云吏懷淺一院蒼苔深酌我壺中酒橫君膝上琴羅浮多大藥

漢使豔黃金兩者各不快知余方寸心

光孝寺贈圓德上人四首之二

詞林

訶林銷不盡萬劫此虞園山色晴含海榕陰雨在門荒藤垂髮塢
古鉢洗泉源那復離文字新詩共討論

風旛堂

人天同不住秋滿贊公房掃石臨寒水詩到夕陽心空垂果熟
風定出旛香此意琴絃識憑君鼓數行

觀緬甸使臣省宴四首

蠻使承

恩出

帝京竹符絡繹下昆明重開祖宴章阜府別護偏師呂凱城

貴見口八詩集卷三 如粵集

州兵獲送日角龍顏猶喜述天廚仙樂未知名鐵橋銅寨從來險

可記而今盡削平

天王德意迢遙三日禺城許息鏢風湧簫鏘蟠海曲山迴劒戟

入雲搖椎牛行酒千夫集舞馬跳竿百隊驕莫修唐家驃國樂只

將忠順報

皇朝二

南牙山俯錫波隈秋過黃茅大瘴開日月盡隨珍物降雲霞親捧

御書迴愛余此聯出金箋對乞端楷書之即於羊城高第街裝潢

進國王族葵久卻尙書貢白雉聊矜遠譯來好語蠻夷新大長朝

天更築尉佗臺

靖蛉塞外水西流十萬連營盡益州使者自勞將篋冊將軍何以

慎龜劉原無陸賈頒封號敢有張騫翼列侯絕貢閉關爲上策籌

邊詩上五華樓四

四月十五夜大月耿馮仲諸子載酒雲墩堂座中談西樵

之勝時余將之始興

萬古月如此今宵潮又來我行知幾日且覆掌中杯盤濕離支熟
簷垂朱槿開尙書期縱迫津鼓但遲催

樽前一千仞七十二西樵鸞鶴紛如下神仙不可招翠飛他日棹

青入故人宵也擬秋風返相隨踏石橋

赴始興解纜日適家人舟自粵西至述石基遭漲碎舟事

悲喜交集賦此

蛟蜃爭前日風濤述此晨一家初屬我萬里轉思親夢入艱難幻

天憐骨肉貧嶺邊紅荳蔻猶有斷腸人

雨泊三水縣

紫峴山人詩集卷三 如粵集

紅豆花深雨打窗木魚歌咽不成腔春潮都爲離心引半上西江

牛北江

浮沈石歌

倏今而來若騰擲忽今而伏誰沮抑雨淋日炙苦不休天柱雲根

孰敢測朝看海水怒橫飛暮與三江相搏擊化鯨或恐雷霆疑藏

珠毋使蛟龍得坐令放浪閱人世也復酣嬉雜蜃蜃唐白首尙

爲郎臣朔金門猶執戟噫吁嚱浮沈石

觀音巖歌

雷霆驅壁剴江急水府搖搖老蛟泣衝波翻軸萬派立白雲愁生

太古濕長風穴出復穴入海潮從之相吐吸危梯懸冰黑岌岌失

勢一落嗟何及考鐘伐鼓百靈揖修蛇毒虺誰敢蟄風收雲散江

不譁天女手捧青蓮花